

Phrygia viguisse scribit Theodoret. Cyri episcopus: ad eò vt Laodicensis synodo (est autē illa Laodicea metropolis Phrygiæ) sit veritū, ne Christiani precarentur Angelos. *(Angelorum cultu.)* Hoc fuit istorum hominum delirium, quòd Angelos colerent. In quo primum non distinguitur, vtrum bonos æquè ac malos, an bonos tantum adorandos censuerint. Quòd si malos, certè eos coluisse diabolos verum erit, atque ita fuerint turpissimè superstitiosi, & furiosissimè dementari. Sin autem bonos tantum Angelos & cælestes colendos esse docuerint, refutantur apertissimis sacræ Scripturæ locis, velut Coloss. 2. versu 18. Apocal. 19. versu 10, 22. ver. 8. Deuter. 17. versu 3. Deinde Patrum ipsorum orthodoxorum authoritate, quemadmodum Theodoreti patris in Epitome Decretorum diuinorum cap. de Angelis, & Augustini infinitis penè locis, imprimis lib. 10. de Ciuit. Dei. cap. 7. Lactantii lib. 2. & Arnobii lib. 3. Intelligunt, ait, se communiter honorari cum suo rege. Quamquam autem statim ab ipsa penè Apostolorum ætate cœperunt homines multa de Angelis curiosè philosophari, & definire, ad eò vt Clemens lib. 6. Strom. dicat ex iis septem fuisse primogenitos quorum maxima sit potentia, & Tertull. in lib. De orat. Dominica, pios appellet Angelorum candidatos, colendos tamen venerandosque propterea non censebant, quod hi fanatici homines & heretici apertissimè falsissimèque voluerunt. Meminit Chrysostomus in Coloss. 2. homil. 7. quorundam hereticorum, qui nos Deo, non per Christum, sed per Angelos reconciliatos dicerēt, qui ab istis Angelicis vidētur profecti: aut potius ab Arianis, quorum